

# ВЕЛИКИЙ АКАФИСТ ПРЕСВЯТОЙ БОГОРОДИЦЕ

## Кондак 1

**В**збранной Воеводе победительная, яко избавльшися от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти: Радуйся, Невесто Неневестная.

## Икос 1

**А**нгел предстатель с небесé послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояше, зовый к Ней такав́я:

Радуйся, Еюже радость возсияет;

Радуйся, Еюже клятва исчезнет.

Радуйся, падшаго Адама воззвание;

Радуйся, слез Евиных избавлѣние.

Радуйся, высотó неудобовосходима́я человеческими помыслы;

Радуйся, глубинó неудобозрима́я и ангельскимá очима.

Радуйся, яко еси Царéво седалище;

Радуйся, яко но́сиши Носящаго вся.

Радуйся, Звездó, являющая Солнце;

Радуйся, утрóбо Божественнаго воплощения.

Радуйся, Еюже обновляется тварь;

Радуйся, Еюже поклоняемся Творцу.

Радуйся, Невесто Неневестная.

## Кондак 2

**В**идящи Святая Себе в чистоте, глаголет Гавриилу дерзостно: преславное твоего гласа неудобоприятельно души Моей является: безсѣменнаго бо зачатия рождество како глаголеши, зовый: Аллилуиа.

## Икос 2

**Р**азум недоразумеваемый разумети Дева ищущи, возопи к служащему: из боку чисту, Сыну како есть родитися мѣчно, рцы Ми? К Нейже он рече со страхом обѣче, зовый сиче (*так*):

Радуйся, совета неизреченнаго Таиннице;  
Радуйся, молчания просящих веро.  
Радуйся, чудес Христовых начало;  
Радуйся, велений Его главизно.  
Радуйся, лѣстнице небесная, Еюже сниде Бог;  
Радуйся, мѣсте, преводяй сущих от земли на небо.  
Радуйся, Ангелов многословущее чудо;  
Радуйся, бесѣв многоплачевное поражение.  
Радуйся, Свет неизреченно родившая;  
Радуйся, еже како, ни единого же научившая.  
Радуйся, премудрых превосходящая разум;  
Радуйся, верных озаряющая смыслы.  
Радуйся, Невесто Невестная.

## Кондак 3

**С**ила Вышняго осени тогда к зачатию Браконейскуую, и благоплодная Тоя ложесна, яко селѣ (*поле*) показá сладкое, всем хотящим жати спасение, вегда пети сиче: Аллилуиа.

### Икос 3

**И**мущи Богоприятную Дева утробу, востече ко Елисавети: младенец же боюя а́бие (*тогчас*) познав Сея целование, радовашеся, и игра́ньми яко песньми вопияше к Богородице:

Радуйся, отрасли неувядаемая розгó;  
Радуйся, Плода́ безсмертнаго стяжание.  
Радуйся, Делателя делающая Человеколюбца;  
Радуйся, Садителя жизни нашаея рождающая.  
Радуйся, ниво, растящая многоплодие щедрот;  
Радуйся, трапéзо, носящая обилие очищения.  
Радуйся, яко рай пищный процветаеши;  
Радуйся, яко пристанище душám готовиши.  
Радуйся, приятное молитвы кадило;  
Радуйся, всего мира очищение.  
Радуйся, Божие к смертным благоволение;  
Радуйся, смертных к Богу дерзновение.  
Радуйся, Невесто Невестная.

### Кондак 4

**В**урю внутрь имея помышлений сумнительных, целомудренный Иосиф смятеся, к Тебе зря небрачней, и бракоокрадованную помышляя, Непорочная; увéдев же Твое зачатие от Духа Свята, рече: Аллилуиа.

### Икос 4

**С**лышаша пастырие Ангелов поющих плотскóе Христово пришествие, и текше яко к Пастырю видят Сего яко агнца непорочна, во чреве Мариине упасшася, Юже поюще рéша:

Радуйся, Агнца и Пастыря Мати;  
Радуйся, двóре словесных овец.  
Радуйся, невидимых врагов мучение;  
Радуйся, райских двéрей отверзéние.  
Радуйся, яко небесная срадуются земным;  
Радуйся, яко земная сликовствуют небесным.  
Радуйся, апостолов немóлчная уста;  
Радуйся, страстотерпцев непобедимая дерзосте.  
Радуйся, твердое веры утверждение;  
Радуйся, светлое благодати познание.  
Радуйся, Еюже обнажися ад;  
Радуйся, Еюже облекохомся славою.  
Радуйся, Невесто Неневестная.

### Кондак 5

**В**оготечную звезду узрѣвше волсви (*волхвы*), тоя последоваша зари, и яко светильник держáше ю, тою испытáху крепкаго Царя, и достигше Непостижимаго, возрадовашася, Ему вопиюще: Аллилуиа.

### Икос 5

**В**идеша óтроцы халдѣйстии на руку Девичу Создавшаго рукама человеки, и Владыку разумевающе Его, аще и рáбий прият зрак, потщася дарми послужити Ему, и возопити Благословенней:

Радуйся, Звезды незаходимыя Мати;  
Радуйся, зарé таинственного дне.  
Радуйся, прелести пещь угасившая;  
Радуйся, Троицы таинники просвещающая.  
Радуйся, мучителя безчеловечнаго изметающая от начальства;

Радуйся, Господа Человеколюбца показавшая  
Христа.

Радуйся, варварскаго избавляющая служения;

Радуйся, тимéния (*болота*) изымающая дел.

Радуйся, огня поклонение угасившая;

Радуйся, пламене страстéй изменяющая.

Радуйся, верных наставнице целомудрия;

Радуйся, всех родóв веселие.

Радуйся, Невесто Невестная.

### Кондак 6

**П**роповедницы богоноснии, бывше волсви,  
возвратишася в Вавилон, скончавше Твое  
пророчество, и проповедавше Тя Христа всем,  
оставиша Ирода яко буетловна, не ведуца пети:  
Аллилуиа.

### Икос 6

**В**озсиявый во Египте просвещение истины, отгнал  
еси лжи тьму: идоли бо его, Спасе, не терпяще  
Твоя крепости, падóша, сих же избавльшиися  
вопияху к Богородице:

Радуйся, исправление человеков;

Радуйся, низпадение бесóв.

Радуйся, прéлести державу поправшая;

Радуйся, идольскую лесть обличившая.

Радуйся, море, потопившее фараона мысленнаго;

Радуйся, кáмену, напоивший жаждущия жизни.

Радуйся, огненный стóлпе, наставляяй сущия во  
тьме;

Радуйся, покрове миру, ширший óблака.

Радуйся, пище, манны приемнице;

Радуйся, сладости святыя служительнице.

Радуйся, земле обетованія;  
Радуйся, из неяже течёт мед и млекó.  
Радуйся, Невесто Невестная.

### Кондак 7

**Х**отящу Симеону от нынешняго века преставитися прелестнаго, вдáлся еси яко младенец тому, но познался еси ему и Бог совершенный. Темже удивися Твоей неизреченней премудрости, зовый: Аллилуиа.

### Икос 7

**Н**овую показá тварь, явлься Зиждитель (*Создатель*) нам от Него бывшим, из бесёменных прозяб утробы, и сохранив Ю, якоже бе, нетленну, да чудо видяще, воспоем Ю, вопиюще:

Радуйся, цвете нетления;  
Радуйся, вѣнче воздержания.  
Радуйся, воскресения образ облистаящая;  
Радуйся, ангельское житие являющая.  
Радуйся, древо светлоплодовитое, от негоже питаются вернии;  
Радуйся, древо благосеннолиственное, имже покрываются мнози.  
Радуйся, во чреве носящая Избáвителя плененным;  
Радуйся, рождающая Наставника заблудшим.  
Радуйся, Судии праведнаго умоление;  
Радуйся, многих согрешений прощение.  
Радуйся, одеждо нагих дерзновения;  
Радуйся, любы, всякое желание побеждающая.  
Радуйся, Невесто Невестная.

## Кондак 8

**С**транное рождество видевше, устранимся мира, ум на небеса преложше: сего бо ради высокий Бог на земли явился смиренный человек, хотяй привлещи к высоте Тому вопиющия: Аллилуиа.

## Икос 8

**В**есь бе в нижних и вышних никакоже отступи неописанное Слово: низхождение бо Божественное, не прехождение же местное бысть, и рождество от Девы Богоприятная, слышаша сия:

Радуйся, Бога невместимаго вместилище;

Радуйся, честнаго таинства двэри.

Радуйся, неверных сумнительное слышание;

Радуйся, верных известная похвалб.

Радуйся, колеснице пресвятая Суцаго на  
Херувимех;

Радуйся, селение преславное Суцаго на Серафимех.

Радуйся, противная в тожде *(в единое)* собравшая;

Радуйся, девство и рождество сочетавшая.

Радуйся, Еюже разрешися преступление;

Радуйся, Еюже отвэрсся рай.

Радуйся, ключу Царствия Христова;

Радуйся, надеждо благ вечных.

Радуйся, Невесто Неневестная.

## Кондак 9

**В**сякое естество ангельское удивися великому Твоего вочеловечения делу; неприступнаго бо яко Бога, зряще всем приступнаго Человека, нам убо спребывающа, слышаша же от всех: Аллилуиа.

## Икос 9

**Р**етия (*мудрецы*) многовещанныя, яко рыбы безгласныя видим о Тебе, Богородице, недоумевают бо глаголати, еже како и Дева пребываеши, и родити возмогла еси. Мы же, таинству дивящеся, верно вопием:

Радуйся, премудрости Божия приятелище,  
Радуйся, промышления Его сокровище.  
Радуйся, любомудрая немудрая являющая;  
Радуйся, хитрословесныя безсловесныя  
обличающая.  
Радуйся, яко обуяша лютии взискателе;  
Радуйся, яко увядоша баснотворцы.  
Радуйся, афинеяская плетения растерзающая;  
Радуйся, рыбацкия мрежи (*сети*) исполняющая.  
Радуйся, из глубины невѣдения извлекающая;  
Радуйся, многи в разуме просвещающая.  
Радуйся, кораблю хотящих спастися;  
Радуйся, пристанище житейских плаваний.  
Радуйся, Невесто Невестная.

## Кондак 10

**С**пасти хотя мир, Иже всех Украситель, к сему самообетован прииде, и Пастырь сый, яко Бог, нас ради явися по нам Человек: подобным бо подобное призвав, яко Бог слышит: Аллилуиа.

## Икос 10

**С**тена еси девам, Богородице Дево, и всем к Тебе прибегающим: ибо небесе и земли Творец устрои Тя, Пречистая, вселься во утробе Твоей, и вся приглашати Тебе научив:

Радуйся, столпе девства;  
Радуйся, дверь спасения.  
Радуйся, начальнице мысленнаго наздания;  
Радуйся, подательнице Божественныя благодсти.  
Радуйся, Ты бо обновила еси зачатыя студно;  
Радуйся, Ты бо наказала еси окраденныя умом.  
Радуйся, тлителя смыслов упрядняющая;  
Радуйся, Сеятеля чистоты рождшая.  
Радуйся, чертоже безсеменнаго уневецения;  
Радуйся, верных Господеви сочетавшая.  
Радуйся, добрая младопитательнице девам;  
Радуйся, невестокрасительнице душ святых.  
Радуйся, Невесто Невестная.

### Кондак 11

**П**ение всякое побеждается, спрострётся тщасеея  
ко множеству многих щедрот Твоих:  
равночисленныя бо песка песни аще приносим Ти,  
Царю Святый, ничтоже совершаем достойно, яже дал  
еси нам, Тебе вопиющим: Аллилуиа.

### Икос 11

**С**ветоприемную свещу, сущим во тьме явльшуюся,  
зрим Святую Деву, невестественный бо вжигающи  
огнь, наставляет к разуму Божественному вся,  
зарю ум просвещающая, званием (*призыванием*) же  
почитаемая, сими:

Радуйся, луче умнаго Солнца;  
Радуйся, светило незаходимаго Света.  
Радуйся, молние, души просвещающая;  
Радуйся, яко гром враги устрашающая.  
Радуйся, яко многосветлое возсияваеши  
просвещение;

Радуйся, яко многотекущую источаеши реку.  
Радуйся, купели живописующая образ;  
Радуйся, греховную отъемлющая скверну.  
Радуйся, ба́не, омывающая совесть;  
Радуйся, чаше, че́рплющая радость.  
Радуйся, обоняние Христова благоухания;  
Радуйся, животе́ тайнаго веселия.  
Радуйся, Невесто Невестная.

### Кондак 12

**Б**лагодать да́ти восхотев, долго́в древних, всех долгов Решитель человеком, прииде Собою ко отшедшим Того благодати, и раздрав рукописание, слышит от всех сице: Аллилуиа.

### Икос 12

**П**оюще Твое Рождество, хвалим Тя вси, яко одушевленный храм, Богородице: во Твоей бо вселився утробе содержи вся рукою Господь, освяти, прослави и научи вопити Тебе всех:

Радуйся, селение Бога и Слова;  
Радуйся, святая святых бо́льшая.  
Радуйся, ковчеже, позлаще́нный Духом;  
Радуйся, сокровище живота неистощимое.  
Радуйся, честный вѣнче царей благочестивых;  
Радуйся, честна́я похвало́ иереев благоговейных.  
Радуйся, церкви непоколебимый сто́лпе;  
Радуйся, Царствия нерушимая стено́.  
Радуйся, Еюже воздвижутся победы;  
Радуйся, Еюже низпа́дают врази.  
Радуйся, те́ла моего врачевание;  
Радуйся, души моя спасение.  
Радуйся, Невесто Невестная.

### Кондак 13

**О** Всепетая Мати, рождающая всех святых Святейшее Слово! Нынешнее приеми приношение, от всякия избави напасти всех, и будущия изми муки, о Тебе вопиющих: Аллилуиа.

*(Кондак 13 читается 3 раза,  
затем Икос 1 и Кондак 1)*

### МОЛИТВЫ

**О** Пресвятая Госпоже Владычице Богородице, вышши еси всех Ангел и Архангел, и всея твари честнейши, помощнице еси обидимых, ненадеющихся надеяние, убогих заступнице, печальных утешение, алчущих кормительнице, нагих одеяние, больных исцеление, грешных спасение, христиан всех поможение и заступление. О Всемилостивая Госпоже, Дево Богородице Владычице, милостию Твоею спаси и помилуй святейшия патриархи православныя, преосвященныя митрополиты, архиепископы и епископы и весь священнический и иноческий чин, и вся православныя христианы ризою Твоею честною защити; и умоли, Госпоже, из Тебе без семене воплотившагося Христа Бога нашего, да препояшет нас силою Своею свыше, на невидимыя и видимыя враги наша. О Всемилостивая Госпоже Владычице Богородице! Воздвигни нас из глубины греховныя и избави нас от глада, губительства, от труса (*землетресения*) и потопа, от огня и меча, от нахождения иноплемennых и междоусобныя брани, и от напрасныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и

здравие рабом Твоим, всем православным христианом, и просвети им ум, и очи сердечнии, еже ко спасению; и сподоби ны, грешныя рабы Твоя, Царствия Сына Твоего, Христа Бога нашего; яко держава Его благословена и препрославлена, со Безначальным Его Отцем, и с Пресвятым, и Благим, и Животворящим Его Духом, ныне и присно, и во веки веков. Аминь.

**О** Пресвятая Дево Мати Господа, Царице Небесе и земли! Вонми многоболезненному воздыханию душ наших, призри с высоты святыя Твоя на нас, с верою и любовию поклоняющихся пречистому образу Твоему. Се бо грехми погружаемии и скорбьми обуреваемии, взирая на Твой образ, яко живей Ти сущей с нами, приносим смиренныя моления наша. Не имамы бо ни иныя помощи, ни инаго предстательства, ни утешения, токмо Тебе, о Мати всех скорбящих и обремененных. Помози нам немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в мире и тишине проводити, подаждь христианскую кончину, и на Страшнем Суде Сына Твоего явися нам милосердая Заступница, да всегда поем, величаем и славим Тя, яко благою Заступницу рода христианскаго, со всеми угодившими Богу. Аминь.